



Broj: 01-178/19
Vareš, 30.09.. 2019. godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH,“ broj: 49/06 i 51/09) i člana 22. Statuta Općine Vareš – Prečišćeni tekst, broj: 01-162/12 od 11.09.2012. godine Općinsko vijeće Vareš, na 30. sjednici održanoj 30.09. 2019. godine, donosi

ODLUKU
o usvajanju Lokalnog akcionog plana (LAP) za
jačanje mehanizama zaštite i osnaživanja djece u Općini Vareš 2019-2021.

Član 1.

Usvaja se Lokalni akcioni plan za jačanje mehanizama zaštite i osnaživanja djece u Općini Vareš za period 2019-2021., (u daljem tekstu: LAP) koji čini sastavni dio ove Odluke.

Član 2.

Za provođenje ove Odluke zadužuje se Općinski načelnik i nadležne Službe, te rukovodioci svih institucija i ustanova, potpisnica Sporazuma o saradnji u zaštiti djece i mladih na području općine Vareš.

Član 3.

Odluka stupa na snagu osmog dana od dana objavljivanja na oglasnoj tabli Općine Vareš.

PREDSJEDAVAJUĆI
OPĆINSKOG VIJEĆA

Adis Čizmo

Odluka objavljena na oglasnoj tabli općine Vareš, dana 01.10. 2019. godine.

OPĆINSKI NAČELNIK

Zdravko Marošević

O b r a z l o ž e n j e

1. Pravni osnov

Pravni osnov za donošenje Lokalnog akcionog plana (LAP) za jačanje mehanizama zaštite i osnaživanja djece u Općini Vareš 2019-2021., sadržan je u članu 13. Zakona o principima lokalne samouprave u Federaciji Bosne i Hercegovine („Službene novine FBiH,“ broj: 49/06 i 51/09), i u članu 22. Statuta Općine Vareš – Prečišćeni tekst, broj: 01-162/12 od 11. 09. 2012. godine

2. Razlog za donošenje

U aprilu 2018. godine, inicijativom međunarodne organizacije World Vision BiH započeo je proces implementacije programa jačanja referalnih mehanizama zaštite i osnaživanja djece u Općini Vareš. Fokus programa je intenziviranje saradnje ključnih aktera na lokalnom nivou koji rade s djecom.

28. februara 2019. godine, u Općini Vareš potpisan je Sporazum o saradnji između lokalnih subjekata zaštite djece od nasilja na području općine Vareš : JU Centar za socijalni rad, Policijska stanica, JU Dom zdravlja, OŠ „Vareš“, OŠ „Vareš Majdan“, Mješovita srednja škola „NORDBAT 2“, „Mala škola“, JU Dječiji vrtić i Općina Vareš.

Potpisnici ovog Sporazuma obavezali su se da će, u okviru svojih nadležnosti, rukovodeći se principom zaštite i sigurnosti djece, suzbijanjem nasilja, zaustavljanjem nasilja i sprečavanjem njegovog ponavljanja, međusobno sarađivati i kreirati mehanizme za integrisan i koordinisan odgovor na nasilje nad i među djecom i uopće poboljšan položaj djece i mladih na nivou lokalne zajednice.

Općinski načelnik imenovao je lokalnu Radnu grupu čiji je zadatak bio izraditi strateški dokument „Lokalni akcioni plan za jačanje mehanizama zaštite i osnaživanja djece u Općini Vareš za period 2019-2021“ (LAP)

Za izradu LAP-a prikupljeni su podaci iz svih oblasti koje imaju direktnu ili indirektnu vezu sa djecom, njihovom dobrobiti, prevencijom negativnosti i mogućeg poboljšanja opće situacije na lokalnom nivou.

Analizirani su aktuelni podaci, informacije i činjenice iz segmenta socijalne zaštite, zdravstva, obrazovanja, infrastrukture za djecu, njihovog slobodnog vremena, bavljenja sportom, kulturom, bezbjednosti djece, zakonskog okvira i budžetskih mogućnosti finansiranja.

Takvi podaci prezentovani su u LAP-u, formirani su zaključci za svaku oblast (naglašeni uokvirenim dijelom teksta) i u tabelama LAP-a predstavljeni su strateški i specifični ciljevi, te planirane aktivnosti za svaku oblast .

U realizaciji LAP-a predviđeno je uključenje i učešće udruženja iz općine Vareš (NVO) koja rade sa djecom i mladima.

3. Finansijska sredstva

Za realizaciju ovog LAP-a potrebno je detaljno planirati finansijska sredstva u budžetu Općine Vareš za svaku budžetsku godinu, prema strateškim i specifičnim ciljevima, te planiranim aktivnostima koje LAP sadrži.

**PREDLAGAČ:
OPĆINSKI NAČELNIK**

Zdravko Marošević